

FRANCISCI TURRIANI,  
DOGMATICI CHARACTERES  
VERBI DEI  
AD CATHOLICOS GERMANIAE

ADVERSUS NOVOS EVANGELICOS.

LIBRI IIII.



~~num... 30.~~  
~~caso... 8.~~  
~~num... 38.~~

FLORENTIAE  
apud Laurentium Torrentinum  
Typographum Ducis.  
M D L X I.

COLL. SOC. IESU SALM. EX DONO REGVM



FRANCISCI TURRIANI  
DOGOMATICI CHARACTERES  
VERBI DEI AD CATHOLICOS GERMA-  
NIAE ADVERSUS NOVOS EVANGELICOS

LIBER PRIMVS.



VM beato Iacobo Apostolo , ei-  
demque fratri Domini spiritus ma-  
nifeste diceret,futuros esse nouissi-  
mis temporibus, qui volentes glo-  
iari , & in hypocrisi mendaces esse  
contra veritatem,veram ecclesiam,  
& purum dei Verbum sibi quidem  
vendicarent , nobis vero utrumque  
denegarent, diuino consilio chara-  
cteris veræ sapientiæ, idest, apprias

Verbi dei notas nobis ita expresse delineauit , vt qui in eas ocu-  
lis animi paulo attentius defixis intueretur , vbi Verbū dei esset,  
& vbi ecclesia sancta, facile discerneret. Hos igitur characteres cū  
multum , diuque considerando cum dei Verbo , & dogmatibus  
eius, quæ nostra ecclesia profitetur, item cum Verbo falsi nomi-  
nis, quod Euangelicorum ecclesia,(sic enim se appellant) non ita  
pridem accepit, contulisse, tam apte illos quidem cum illo ipso  
dei Verbo, quod nos docemus , conuenire , ac rursus cum verbo  
Euangelicorum tantopere discrepare, cognoui, & perspicue, vt  
arbitror, probauit, vt suspicari liceat, Martinum Luterum diuina  
ista descriptione diuinæ,cœlestis,& spiritualis sapientiæ in pri-  
mis cōmotum, totam epistolam beati Iacobi stramineam ride-  
ndo appellasse,sapientia falsi nominis terrena, animali, & diaboli-  
ca, quam tradebat,cōscientiam eius scelerat̄ coargente. Atqui  
de auctoritate diuina epistolæ huius catholicæ dictū est in Dog-  
matico nostro de justificatione. Hoc vero opus vobis(Catho-  
lici Germaniæ) idcirco inscripsi, quòd vobis, quorum sensus per  
dei gratiam non sunt corrupti , neque exciderunt à simplicitate,  
magis profuturū esse sperarem, quām iis, quos iam serpens scien-  
tiam dei promittendo, vt Euam decepit. Qui suis opinionibus  
inflati, idest, tenebris inuoluti lucem veritatis fortasse nō sustine-  
bunt. His itaque libris confirmati in statu vestro, vt cōfido, con-

## DOGM. CHARACT.

vobis, quod in nouissimis temporibus venient illusores secundum desideria sua ambulantes in impietibus. Hi sunt, qui segregant se met ipsos, animales, spiritum non habentes. Vos autem charissimi superaedificantes vos met ipsos sanctissimae vestrae fidei, in spiritu sancto orantes, vos met ipsos in dilectione dei seruare expectantes misericordiam domini nostri Iesu Christi in vitam aeternam, & hos quidem arguite iudicatos, quibus ut ait beatus Petrus, iudicium iam olim non cessat, & perditio eorum non dormitat, illos vero saluare in timore de igne rapientes, sciētes, ut ait beatus Iacob, q̄ qui cōuerti fecerit peccatorē ab errore viæ suæ, saluabit animā suā a morte, & operiet multitudinē' peccatorū, aliorū autem miseremini, odientes eam, quæ carnalis est, maculatā tunicam. Ei autem, qui potens est vos conservare sine peccato, & constituere in conspectu gloriæ suæ immaculatos in exultatione in aduentu domini nostri Iesu Christi, soli deo salvatori nostro per Iesum Christum dominum nostrum gloria, & magnificētia, imperium, & potestas ante omne sēculum & nunc, & in omnia secula seculorum. Amen.

